

書名 杜氏通典二百卷 嘉靖十八年西樵方獻夫刊本

撰者 唐 杜佑 撰，明 王德益、吳鵬 同校

卷 卷六十五

內容分類 史·政書·歷代通制

索書號 貴重-17

編號 B3510400

# 卷六十五



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本文影像資料庫 索書號: 貴重-17](#)

[漢籍善本文影像資料庫文本 杜氏通典二百卷 嘉靖十八年西樵方獻夫刊本](#)

[版權所有: 東京大學 東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿

太常卿 丞奉禮郎主簿 博士 太祝 兩京郊社署

光祿卿 丞太樂署 太卜 太醫署 太公廟等署

衛尉卿 丞良醞署 主簿 掌醞署 珍羞署

宗正卿 丞守宮署 主簿 武庫署 武器署 左右都候

太僕卿 丞典牧署 主簿 太廟署 崇玄署

大理卿 丞司直 評事 監 獄丞 諸牧監

諸卿附 少卿

諸卿附 少卿

東京大学東洋文化研究所  
第  
冊  
No. 4008

0 1 2 3 4 5 6 7 8 9 5

不 許 複 製  
NOT TO BE REPRODUCED  
東京大学東洋文化研究所



杜氏通典卷第六十五

禮二十五 嘉十 沿車十五

皇太后皇后車輅 皇太子皇子車輅

公侯大夫等車輅 主妃命婦等車

皇太后皇后車輅 周 漢 後漢 晉 宋 齊 後魏 北齊

後周 隋 大 唐

周禮王后之五輅重翟錫面朱總 重翟翟雉羽兩重為蔽從王祭祀所

也厭翟鞞勒面績總 厭翟次其羽使相迫近厭其本也勒面謂如王龍勒之韋為當面飾

績總以畫繒為之 安車雕面鷺總皆有容蓋安車坐從王賓饗所乘也

九婦人皆坐乘容謂轡車鷺青黑色 翟車貝面總組繒為之無蔽朝見於王所乘去飾

有幄 翟車不重不厭以翟飾車之側以貝飾勒當輦面者有幄則無蓋矣如今輦車后乘以出桑輦



車組鞞有翼羽蓋

鞞車不言飾明無翟總之飾后居宮從容所乘但漆而已為輕輪人

鞞之以行有翼所以御風塵以羽作小蓋為翳日也

漢皇后駕輅青羽蓋駕四

馬旂九旒後漢太皇太后皇后法駕皆御金

根車重翟羽蓋加青交絡帷裳其非法駕則乘紫烈

輅車雲襜文畫輅黃金塗五末

輅一轂二箱二共五也

蓋施金

花駕三馬左右駢

應劭漢官儀明帝永平七年光烈皇帝葬輅車駕輅青羽蓋駕四馬

旂九旒前有方相鳳凰車此因前漢舊制也

晉制后乘重翟羽蓋金根車

加青絡青帷裳雲襜畫輅黃金塗五末蓋瓜施金華

駕三馬左右駢其廟見小駕則乘紫烈輅車飾及駕

馬如重翟非法駕則皇太后乘輿皇后畫車先翟乘

油畫雲母安車駕六駟馬

駟淺黑色

油畫兩轅安車

駕五駟馬為副又金博山駢紫絳烈車皆駕三駟馬

宋因之法駕乘重翟先翟乘油畫雲母安車

元嘉中東宮儀

記云中宮僕御重翟金根車

齊因重翟車加金塗校具白地人馬

錦帖箱隱漆後戶白牙的帖金塗面釘漆畫輪鐵鉗

金塗從容後路鏤師子轄軛皆施金塗螭首及龍雀

等諸飾軛衡上施金博山又有金塗長角巴首蓋飾

金塗瓜支子花二十八青油挾碧絹黃紋蓋漆布箱

紫顏黃紋紫紋隨陰碧電

徒昆

外上施絳紫絲絡碧

旂九旒祭戰後魏熙平中有司蘇紹議皇后之輅其

從祀則御金根車親蠶則御雲母車歸寧則御紫烈

車遊行御安車吊問御絳烈車並駕四馬北齊因之

後周皇后之車十二等一曰重翟以從皇帝祀郊禘  
享先皇朝皇太后二曰厭翟以祭陰社三曰翟輅以  
採桑四曰翠輅以從皇帝見賓客五曰雕輅以歸寧  
六曰篆輅以臨諸道法門六輅皆錫百朱總金鈎七  
曰蒼輅以適命婦八曰青輅九曰朱輅十曰黃輅十  
一曰白輅十二曰玄輅五時常出則供之六輅皆疏  
面績總隋開皇初李德林奏用後魏熙平蘇紹議皇  
后之輅後著令制重翟青質金飾諸末朱輪金根朱  
牙其箱飾以重翟羽青油幢朱裏通幟繡紫帷朱絲  
絡網繡紫絡帶八鑿在街縷錫鑿纓十二就金鏤方  
鉉插翟尾朱總駕蒼龍受冊從郊禘享廟則供之厭

翟赤質金飾諸末朱輪畫朱牙其箱飾以翟羽紫油  
幢朱裏通幟紅錦帷朱絲絡網紅錦帶餘如重翟駕  
赤騮親桑供之翟車黃質金飾諸末朱輪畫朱牙革  
側飾以翟羽黃油幢黃裏通幟白紅錦帷朱絲網絡  
白紅絡帶餘如重翟駕黃騮歸寧則供之諸鑿纓之  
色皆從車質安車赤質金飾紫通幟朱裏駕四馬臨  
幸及吊則供之輦金飾同於蓬輦通幟斑輪駕四馬  
宮苑近行則乘之屬車三十六乘大唐因隋制重翟  
厭翟翟車安車其飾不易又制四望車紫油朱質通  
畫絡帶拜陵臨吊則供之又制金根車朱質紫油通  
幟油畫絡帶朱絲絡網常行則供之

皇太子皇子車輅

周漢魏晉東晉

北齊 隋 大 唐

周制中車氏掌王五輅金輅建大旂以封同姓

謂王子母弟率以功德漢皇太子皆安車朱輪班飛軺青

蓋金花倚虎伏鹿攬文畫輪吉陽笏文金塗五末旂

九旂降龍皇太子為王賜以乘之皇孫綠車以從皆

左右駢三馬名皇孫車魏因之文帝問東平王有輅為是

特賜乎鄭稱對曰天子五輅金輅以封同姓諸侯得

與天子同乘金輅非特賜晉因魏安車而駕三馬非

法駕則乘畫輪車上開四望綠油幢朱絲繩絡兩箱

裏飾黃金漆塗五末其副車二乘形制如所乘但不

畫輪耳王青蓋車皇孫綠蓋車並駕二左右駢東晉

安帝時乘後山安車制如金輅宋因之皇子為王亦

錫以皇太子之安車皇孫綠車亦因舊法齊皇太子

乘象輅校飾如御旂旗九旂降龍梁因齊象輅制鸞

輅駕二左右駢朱班輪倚獸較伏鹿軾九旂降龍青

蓋華輻文輈文金塗五末以畫輪車為副常乘畫輪

則衣書車為副其畫輪車上開四望綠油幢朱繩絡

兩箱裏飾以金錦陳因梁制後魏乘金輅朱蓋赤質

駕四馬北齊因之隋皇太子金輅赤質金飾諸末重

較箱畫攬文鳥獸黃伏鹿軾龍輈金鳳一在軾前設

幃鹿朱蓋黃裏畫朱牙左建旂九旂右載闐戟旂首

金龍頭銜結綴及鈴綾駕赤騮馬八鑾在衡二鈴在軾金鏤方鉉插翟尾五焦鏤錫鞶纓九就從祀享廟正冬天朝納妃則乘之輶車金飾諸末紫通幃朱裏駕一馬五日常朝及朝享宮官出入行道則乘之四望車金飾諸末紫油幢通幃朱裏朱絲絡網駕一馬吊臨則乘之大唐因隋制

公侯大夫等車輅周晉漢宋後漢

梁後魏北齊後周隋大唐

周制中車掌主五輅象輅以封異姓革輅以封四衛

木輅以封藩國異姓王甥舅也四衛四方諸侯守衛者蠻服以內也藩國謂九州之外夷

服鎮服也又曰服車五乘服車服事者之車也孤乘夏縵謂五色畫轂約

也卿乘夏縵夏縵亦五采畫無篆大夫乘墨車墨車不畫但以漆革鞞而已

士乘棧車不革鞞而漆也庶人乘役車箱方可載任器以供役漢景帝

中元年始詔六百石以上施車轡得銅五末軛有吉

陽箭二千石以上右駢三百石以上皂布蓋千石以

上皂繪蓋二百石以下白布蓋皆四維杠衣賈人不

得乘馬車除吏赤蓋杠其餘皆青古今注曰武帝天漢四年令諸侯王

大國朱輪特虎居前左兕右鹿小國特熊居前麋皆居左右大使車立乘駕駟赤

帷裳持節者重導從賊曹車斧車功曹車皆兩大車

伍伯璣弩十二人辟居四人從車四乘小使車不立

乘有駢赤屏泥油重絳帷導小使車蘭輿赤轂白蓋

赤帷裳從騎四十人此追捕考按有所執取者所乘

諸侯車皆朱斑輪四輻亦衡軛公卿二千石郊廟明  
 堂祀陵法出皆大車立乘駕駟他出乘安車其飾如  
 金根車加施組連辟交結四角金龍首銜璧垂五綵  
 折羽旒蘇前後雲氣畫帷裳檟文畫幡長輿車等駕  
 布施馬布施馬者純白駱馬也公卿以下至縣三百  
 石五吏賊曹督賊功曹皆帶劍三車導從縣令以上  
 加導芥車牛車武帝推恩之末諸侯有寡弱者乘牛  
 車其後牛車稍通貴者所乘後漢制公侯乘安車朱  
 班輪飛軛倚鹿較伏熊軾皂繒蓋黑幡右駢旂九旒  
 鏤錫义旄朱鑣縱末鹿文絳扇汗青翅鷲尾卿以下  
 有駢者緹扇汗中二千石皆皂蓋朱兩幡千石六百

石朱左輻晉制雲母車以雲母飾犢車以賜王公皂  
 輪車駕牛形如犢車皂漆輪轂上加青油幢朱絲繩  
 絡諸王三公有勲德者特加之位至公或四望三望  
 夾望車油幢車駕牛如犢車皂輪但不漆轂王公大  
 臣有勲德特給之通幟車駕牛如犢車但舉其幟通  
 覆車上諸王三公並乘之武帝詔給魏舒陽燧四望  
 小車三望如四望油幢給車如三望而減三公加禮  
 者乘次三望平乘車竹簾子壁指軸為輪通幟其後形龍牽金頭後稍杳伏神承塗庶人亦然三公諸王所乘自四望至平乘皆銅  
 較飾諸公給朝車駕駟安車黑耳駕二自祭酒掾下  
 及令史皆皂零特進以下諸將軍非持節都督者給



安車黑耳駕三三公九卿二千石皆大車立乘駕四  
去位致仕告老賜安車駕四郡縣公侯安車駕二右  
駢皆朱斑輪倚鹿較伏熊軾皂繪旗旂公八侯七卿  
五皆畫降龍中二千石二千石皆皂蓋朱輪同駕五  
二千石六百石朱左輪王公之元子攝命理國者安  
車駕三旗七旂封侯之元子五旂大使車立乘駕四  
赤帷裳騶騎公卿二千石郊廟上陵從駕所乘小使  
車不立乘駕四輕車之流也蘭輿皆朱轂赤屏白蓋  
赤帷裳追捕執取者所乘凡諸使車皆朱斑輪赤衡  
輓追鋒車去小蓋加通幔如輅車駕二以迅速爲名  
戎陣之間是爲傳乘輅車右將軍所乘傳也按漢輅  
輓者而



賤輅車魏晉輅車而賤輅輅三品將軍以上尚書  
令輅車黑耳有後戶僕射但有後戶耳並皂輪也宋  
因晉有追鋒車雲母車四望車公及列侯所乘安車  
依漢舊制駕二馬旂旗旂王公八侯七卿五皆降龍  
公卿中二千石二千石郊陵法駕出皆大車立乘駕  
四他出去位致仕皆安車四馬中二千石皆皂蓋朱  
幡銅五末駕二右駢王公之世子攝命理國者安車  
駕三旂旗七旂侯世子五旂齊制黃屋車建碧旂九  
旂九旂鑿輅也蓋以黃絛  
爲裏金塗校具絳絲九命上公所乘青蓋安車  
朱幡班輪駕一左右駢通憶車爲副諸王禮行所乘  
皂蓋安車朱幡漆班輪駕一通憶牛車爲副三公禮  
行所乘安車黑耳皂蓋爲車朱幡駕一牛車爲副國

通典卷之五  
公列侯禮行所乘馬車駕一九卿領護二衛驍游四  
軍五校從郊陵所乘餘同晉法梁制二千石四品以  
上及列侯皆給輅車駕牛伏兔箱青油幢朱絲絡網  
轂皆黑漆天監二年令三公開府尚書令給鹿轡輅  
施耳後戶皂網尚書僕射左右光祿大夫侍中中書  
監秘書監給鳳轡輅後戶皂網領護國子祭酒太子  
詹事尚書侍中列卿等給聊泥輅無後戶漆輪車驃  
騎及諸王除刺史帶將軍給龍雀輅以金銀飾御史  
中丞給方蓋輅形小如傘諸王三公有勲德者皆特  
加皂輪車駕牛形如犢車但烏漆輪轂黃金雕裝上  
加青油幢朱絲絡通幟王公加禮者給油幢絡車駕

牛朱輪華轂後魏三公及王車朱屋青蓋制同五輅  
名曰高車駕三馬庶姓王侯及尚書令僕以下列卿  
以上並給輅車駕一馬或乘四望通幟車駕一牛北  
齊因之庶姓王儀同三司以下翟尾扇紫傘皇宗及  
三品以上官青傘朱裏其青傘碧裏達於士人不禁  
正從一品執事散官及儀同三司乘油朱絡網車車  
牛飾得用金塗及純銀二品乘卷通幟車車牛金飾  
七品以上乘偏幟車車牛飾以銅後周諸公之輅九  
方輅各象方色碧輅金輅皆錫鞶纓九就金鉤象輅犀  
輅貝輅革輅篆輅木輅皆䟽鞶纓九就皆以朱白蒼  
三綵諸侯自方輅而下八無碧輅諸伯自方輅而下

七無金塗諸子自方輅而下六無象輅諸男自方輅而下五又無犀輅凡就各如其命三公之車輅九祀輅犀輅貝輅篆輅木輅夏篆夏纁黑車較車自篆以下金塗諸末錫鞶纁金鈎木輅以下銅飾諸末疏鞶纁皆九就三孤自祀輅而下八無犀輅六卿自祀輅而下七又無貝輅上大夫自祀輅而下六又無篆輅中大夫自祀輅而下五又無木輅下大夫自祀輅而下四又無夏篆士車二祀車黑車較車凡就各如其命數自孤以下就以朱綠二采隋制公及一品象輅黃質象飾諸末建纁畫以鳥隼受冊告廟升壇上任親迎及葬則乘之侯伯及二品三品革輅白質建旗

畫能虎受冊告廟親迎及葬則乘之子男及四品木輅漆飾建旒畫龜蛇受冊告廟親迎及葬則乘之象輅以下游及就數各依爵品犢車則魏武賜楊彪七香車也駕牛自王公以下至五品以上並給乘之三品以上青幘朱裏五品以上紺幘碧裏皆銅裝唯有參謁及弔喪者則不張幘而乘鐵裝車六品以下不給任自乘犢車弗許施幘而乘初五品以上乘偏幘車其後嫌其美停不行用以皂幘代之三品以上通幘車則青壁一品輅車油幘朱網唯車輅一等聽勅始得乘之大唐王公以下車輅親王及武職一品象輅自餘及二品三品革輅四品木輅五品輅車象輅

朱班輪八鑿在衡左建旂畫龍一升一降右載闕戟革輅以革飾左建壇通錦餘為壇同象輅木輅以漆飾之餘同革輅輅車曲壁青通憶諸輅質蓋旂壇皆朱一品九旂二品八旂三品七旂四品六旂有其鞶纓就數皆准此

主妃命婦等車

漢晉宋北齊後周

齊梁隋大

漢制長公主乘赤罽輅車太貴人公主王妃封君油畫輅車大貴人加節畫輅皆右駢公列侯夫人會朝若親蠶各乘其夫之安車右駢加交絡帷裳皆同非公會不得乘朝車得乘漆布輜輅銅五采晉宋制三夫人油輅車駕兩馬左駢其貴人加節畫輅二夫人

助蠶青交絡安車駕二皆以紫絳刻輅車九嬪世婦乘駢駕三長公主赤罽輅車駕兩馬公主太妃皆油輅車駕兩馬右駢公主油畫安車駕三青交絡以紫絳刻輅車駕三為副主太妃三夫人赤如之公主助蠶乘油畫安車駕三公主有先置者乘青交絡安車駕三諸王妃公太夫人縣鄉君諸郡公侯特進夫人助蠶乘皂交絡車駕三諸郡公侯監國嗣子之世婦侍中常侍尚書中書監令鄉校世婦命婦助蠶乘皂交絡安車儷駕郡縣公侯中二千石夫人會朝及蠶各乘其夫之安車皆左駢皂交絡阜帷裳自非公會則不得乘朝車王妃特進夫人封君安車駕三皂交絡封縣鄉君油輅車駕兩

馬右駢宋制公主安車以紫絳厨駢車為副駕三九  
嬪世婦駢車駕一王妃特進夫人封君皂交絡安車  
駕三其貴人公主王妃封君油駢駕二右駢公列侯  
中二千石夫人會朝及蠶所乘依漢故事齊制皇太  
子妃厭翟車如重翟飾而微減油絡畫安車公主王  
妃三公特進夫人所乘其貴人公主三夫人九嬪世  
婦三公妃特進夫人所乘正副皆因漢晉梁天監二  
年令上臺六官長公主公主諸王太妃皆得乘青油  
榻幢通幟車榻幢涅幟為副綵女皇女諸王嗣子侯  
夫人皆乘赤油榻幢車以涅幟為副侍女直乘涅幟  
二乘北齊制諸公主乘油朱絡網車車牛飾用金塗

及純銀後周制諸公夫人之輅車九厭翟翟輅翠輅  
皆錫面朱總金鈎雕輅篆輅皆勒面刻白黑韋績總  
朱輅黃輅白輅玄輅皆雕面刻漆韋鷲總黑色繪  
總諸侯夫人自翟輅而下八諸伯夫人自翠輅而下  
七諸子夫人自雕輅而下六諸男夫人自篆輅而下  
五鞶纓就數各視其君三妃三公夫人之輅九篆輅  
朱輅黃輅白輅玄輅皆勒面緇總夏篆夏纓墨車駢  
車皆雕面鷲總由力三孤內子自朱輅以下八  
六嬪六卿內子自黃輅而下七上媛婦中大夫孺人  
自玄輅而下五下媛婦下大夫孺人自夏篆而下四  
御婉士婦人自夏纓而下三其鞶纓就各以其等皆

簾第漆之君以赤卿大夫士以玄君駕四三軛六轡  
卿大夫士駕二一軛四轡隋制皇太子妃乘翟車以  
赤爲質駕三馬畫轅金飾犢車爲副紫幟朱網絡良  
姊以下並乘犢車青幟朱裏三公夫人公主王妃並  
犢車紫幟朱網絡五品以上命婦並乘青幟與其夫  
同大唐制內命婦夫人乘厭翟車嬪乘翟車婕妤以  
下乘安車各駕二馬外命婦公主王妃乘厭翟車駕  
二馬自餘一品乘白銅飾犢車青通幟朱裏油幟朱  
絲絡網駕牛二品以下去油幟絡網四品青偏幔其  
王公以下車輅皆太僕官造貯掌之若受制行冊命  
及二時巡陵婚葬則給之